

17.25 CUNTRASTS SIN SRF 1

art dal Baselia

La nova exposiziun da Mirko Baselia



Il cuirass d'ina tartaruga che consista da millis retagls da gasettas. Il bist d'in pign maltractà dal bau scorsa culà en latex. In maletg da cuntrada creà cun squamas da lain en in spazi radund. Quai è mo trais da las ovas che l'artist Mirko Baselia mussa en sia nova exposiziun en il Kunst(Zeug)Haus a Rapperswil-Jona. Tut sias ovas è vegnidas realisadas sut grond squitsch da temp durant ils davos mais en las localitads da l'anteriura scola d'Alvaschagn. Igl ha duvrà buna gnerva e l'agid da blers gidanters e gidantras per terminar las ovas ad uras. L'emissiun «Cuntrasts» accompogna la producziun da las lavurs enormamain pretensiusas e mussa tge impurtanza ch'il tema «pel» ha per Mirko Baselia.